

REFERAT SAA- Sanarfinermut Avatangiisinullu Ataatsimiititaq d. 12-05-2021

Mødedato Onsdag d. 12. maj 2021 kl. 18:00

Mødested Kommunalbestyrelsep ataatsimiittarfia

Indholdsfortegnelse

| | |
|------------------------------------------------------------------------|----|
| Saqqaa..... | 3 |
| Oqaluuserisassat akuersissutigineqarneri..... | 4 |
| Nalunaarutit..... | 5 |
| Kommunimut pilersaarummut tapiliusseq L8-1, Ikkatteq Bluie East 2..... | 6 |
| Nunaannarmut pilersaarut 2-2, Nuup eqqaani nunataq..... | 9 |
| Lukket..... | 14 |
| Imaqarniliap akuerineqarnera..... | 15 |

Punkt .: Saqqaa

Ilaasortat:

Beslutning

Oqarasuaatsikkut:

Justus Hansen (D) - siulersuisoq

Ataatsimeeqataasut

Uju Petersen (IA) - siulersuisoq tullia

Naya-Sophia Lyberth (IA)

Lone Rosengreen Pedersen (IA)

Peter Davidsen (S)

Punkt .: Oqaluserisassat akuersissutigineqarneri

Beslutning

Oqaluserisassat akuerineqarput.

Punkt .: Nalunaarutit

Beslutning

Sanarfinermut Avatangiisinullu Ingerlatsivimmit nalunaarutit:
Ingerlatsivimmit ilisimatitsissutigineqarpoq akisussaaffeqarfiit sulisullu nuutiortorneqassasut pisariillisaaneq,
eqaallisaaneq pitsaanerusumillu Innuttaasunik kiffartuussinissaq anguniarlugu.

Punkt 1: Kommunimut pilersaarummut tapiliusseq L8-1, Ikkatteq Bluie East 2

Beslutning

Inassuteqaat imatut oqaaseqaatitalerlugu akuersissutigineqarpoq:
Ilanngussaq 1-imi naqqiut, qupp. 28: imatut naqqinneqassaaq 60 meter, illuaqqanut ungasissuseq eqqarsaatigalugu.

Bilag

Kommunimut pilersaarummut tapiliussatut siunnersuut L8-1, Ikkatteq Bluie East 2



Kommunimut pilersaarummut tapiliusseq L8-1, Ikkatteq Bluie East 2

Kommunimut pilersaarummut tapiliussamat siunnersuut

Aalajangiiffigisassaq

SagsID.: ANL-2021-00006

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- kommunimut pilersaarummut tapiliussatut siunnersuut L8-1, Ikkatteq Bluie East 2, akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuusutissarsionermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummut tapiliussap siunertaraa Amerikamiut Sorsunnersuit Aappaanni sakkutooqarfigisimasaasa inuerunnikup, Ikkatteq Bluie East 2, ilaata pigiinnarnissaa tamanilu nutaanik suliniuteqartoqarsinnaalersillugu, taamaaliornermi tamatuma oqaluttuassartaata ingerlateqqinnissaa, tamatuma ornigarneqartuaannarnissaa kiisalu takornarianut isumannaatsuunissaa anguniarneqarluni.

Ikkatteq-BE2 Tunup oqaluttuarisaanerani Amerikamiut sakkutuuisa najorsimaneranut oqaluttuarisaanermi pingaaruteqarpoq soorluttaaq Kalaallit Nunaata Sorsunnersuit Aappaanni Europamik iligiit illersuineranni pingaaruteqarluinnarsimasoq. Amerikamiut sakkutuuisa Kalaallit Nunaanniissimanerat aamma kalaallit inuiaqatigiivinut sunniuteqarsimasupilussuupput taamaalillunilu kalaallit oqaluttuarisaanerannut nutaaliaasumut ilaalluinnarluni, soorluttaaq Kalaallit Nunaata, Danmarkip USA-llu akornanni politikikkut nutaaliaasutut aamma ilaalluni.

Naak tamanna ukiuni 70-ini kingullerni piffissap ingerlanerani nungullarsimagaluaqisoq suli Sorsunnersuup Aappaaneersunit illut, qamutit motorillit manngertornisut allallu sinneqarput, illersuineranut atortut aqqutillu kiisalu tamaaniillutik orsussamat atorneqarsimasut nappartat titusindilikkaartut. Sorsunnersuup Aappaanit qimatat piffissap ingerlanerani manngertornersimasut pinngortitami kusanaqisumi ullumikkut Tunumi najugalinnut allamiunillu tikeraanit takornariassallugu nuannarineqartorujussuupput.

Siunnersuummi sakkutooqarfimmi talittarfiit pitsanngorsarneqarnissai aamma paasititsiivinnik pilersitsinissaq, issiaviit takisuut kiisalu pisuttuarnut aqqutit nalunaarsorneqarneri, ilaatigut nutaanik siunissami pisuttuarnarfittut aqquataasinnaasunik nalunaaqutsersuisoqarsinnaanissamat, periarfissiisoqarpoq. Tamatuma saniatigut nutaanik sanaartornissamat nunaminertanik atugassiisoqarpoq, tassa illu saqqummiisarfik, oqquisarfiit shelterillu.



Sanarfinermut Avatangiisinullu Ingerlatsivimmit siunnersuut immikkoortup oqaluttuarisaanerani amerikamiullu sakkutooqarfia inuerunnikoq, Ikkatteq Bluie East 2, qulakkeerneqarnissaanut saniatigullu immikkoortup sukisaarsaarfiusinnaaneranut pingaaruteqassussaata annertunerulersinneranut iluaqutaassasoq nalilerneqarpoq. Ingerlatsiviup siunnersuummi immikkoortup pitsaasumik ineriartortinneqarnissaa, Illuliortaatsikkut Politikimi akuerisat malillugit aammalu kommunimut pilersaarut Sermersooq2032 malillugit, qulakkeerneqassasoq nalilerpaa.

Kommunimut pilersaarummut tapiliussatut siunnersuut sapaatip-akunnerini arfineq-pingasuni tamanut tusarniaassutigineqassaaq. Tamatuma kingorna tusarniaanermi akissuteqaatit suliarineqassapput, taakkulu iluarsissutaasinnaasut allat ilanngullugit inaarutaasumik aalajangiiffigineqannginneranni, politikikkut aappassaaneerneqarnissaannut ingerlateqqinneqassapput.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq Suliffeqarfimmut Kiffartuussivik suliamut aningaasaqarnermut tunngasunik oqaaseqaatissaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussatut siunnersuut L8-1, Ikkatteq Bluie East 2

Punkt 2: Nunaannarmut pilersaarut 2-2, Nuup eqqaani nunataq

Beslutning

Inassuteqaat akuersissutigineqarpoq ima oqaasertalerlugu:
Sumiiffiit eqaloqarfiit annikitsunik sapsiorneqarsinnaanersut, kuunni erngup kuuttuarnissaa qulakkeerniarlugu aammalu illuaraqarfinni qaqqat sisoorinnaaneri misissorneqassapput.

Sanarfinermut Avatangiisinullu Ingerlatsiviup qulaani taaneqartut misissussavai.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Sumiiffiit Aqquserngillu Taagutaannik Siunnersuisoqatigiit

KPT Nunaannarmut pilersaarut 2-2, Nuup eqqaani nunataq



Nunaannarmut pilersaarut 2-2, Nuup eqqaani nunataq

Kommunimut pilersaarummut tapiliussap inaarutaasumik aalajangiiffiqeqarnera

Aalajangiiffiqisassaq

SagsID: EMN-2019-01438

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Kommunimut pilersaarummut tapiliussatut siunnersuut akuerineqassasoq Nunaannarmut pilersaarut 2-2, Nuup eqqaani nunataq pillugu
- suliaq inaarutaasumik akuersissutigisassanngorlugu Aningaasaqarnermut Inuussutissarsiornermut kiisalu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq, siunnersuut matumuuna saqqummiunneqarpoq.

Juuni 2003-mi Nuup eqqaani nunaannarmi illuaraliornissamat pilersaarut pioreersoq akuersissutigineqarpoq, kangerluit nunataanni illuaqqat amerliartuinnarnerat pissutigalugu (nunaminertamik atuinissamik akuersissutit 250-it missaat). Marsi 2020-mi naatsorsorneqarpoq kisitsisai allaallutik, aamma illuaqqanik pingasoriaammik amerlanerusunik peqarnissaanut periarfissiisoqarpoq. Ullumikkut pissutsit imaapput, pilersaarut atuuttoq tamakkiisuujunnaarsimalluni.

Pilersaarutitut siunnersuummi killeqarfiit sumiiffillu toqqarneqarput, siunissami sunngiffimmi illuaraliorfigineqarsinnaasut, takornarialerisunut tammaarfiliorfigineqarsinnaasut, meeqqeriviit allallu illuaraliorfigisinnaasaat. Siunnersuummi aamma allaaserineqarpoq nunaannami illuliassat assigiinngitsut akuerisaasut qanoq ittueneri. Tammaarfiit eqqarsaatigalugit pineqartut tassaapput takornarialerinermit atorneqartussat, piffissaq tamaat atugassatut napparneqartut, immaqalu ukiut tamaasa atoqqinneqarsinnaasut. Maannakkut kommunimut pilersaarummut tapiliussatut siunnersuummi, inuilaarsuarmi piffissami aalajangersimasumi atortunik inaaliinissamat, tupeqarfiliornissamat aammalu utaqqiisaasumik oqquiffissaliornissamat periarfissiisoqassaaq.

Sumiiffimmut aalajangersakkani nutaani piffissamat sivisuumut nungusaataanngitsumik atorneqarnissaanut pilersaaruiortoqarnissaa qulakkeerneqassaaq, nunaannarmi kulturimik pinngortitamillu kingornussaasut, asiartarfittut pingaartitat aammalu assigiinngitsunik illuaraliorfigisinnisaanik periarfissat eqqarsaatigineqarniassammata. Kangerluit nunataat assigiinngitsorpasuarfik sammisaqarfusinnaapput, soorlu angallammik angalaarnerit, pisunneq, piniarneq asimilu sammisassat allat. Sumiiffiit sapinngisamik amerlasuunit nuannaarutigineqarnissaat qulakkeerniarlugu, pilersaarummi matumani illuaraliornissamat qaqugumullu atasussanik ikkussugassanut malittarisassaliortoqarpoq.

Pilersaarutitut siunnersuutikkut matumuuna periarfissaatinneqassaaq, inuussutissarsiornermit atatillugu atugassamik aqqusinniornissaq imaluunniit takornarialerinermit siuarsaanissamik siunertat pingaarnertullugit ass. ATV-nut assigisaanullu aqqusiortoqarsinnaanera.



Kommunimut pilersaarummut tapiliussatut siunnersuummi matumani immikkoortut ilaat arlallit taaguutaasigut killeqarfiisigulluunniit allangortinneqassapput. Soorlu aamma illuaraqarfioreersuni nutaanik immikkoortulersuisoqassasoq imaluunniit nutaanik illuaraliortoqarnissaa pisariaqalissapput tamanna periarfissaatinneqassasoq.

Kangerluit nunataat assigiinngitsorpassuarnik sammisaqarfiusinnaapput, soorlu angallammik angalaarnerit, pisunneq, piniarneq asimilu sammisassat allat attatiinneqassasut ingerlatsiviup nalilerpaa. Sumiiffimmut aalajangersakkani nutaani piffissamut sivisuumut nungusaataangitsumik atornerqarnissaanut pilersaarusiortoqarnissaa qulakkeerneqassaaq, nunaannarmi kulturimik pinngortitamillu kingornussaasut, asiartarfittut pingaartitat aammalu assigiinngitsunik illuaraliortoqarnissaanut periarfissat eqqarsaatigineqarniassammata.

Naalagaaffiit Peqatigiit nunarsuaq tamakkerlugu anguniagaat

Kommuneqarfik Sermersuup Naalagaaffiit peqatigiit nunarsuaq tamakkerlugu anguniagai malippai. Taamaattumik Nuup eqqaani nunaannaq, pinngortitamut, kulturikkut kingornussanut aammalu nunami immamilu uumasoqarnera piujuartitsineq tunngavigalugu ineriartortinneqarnissaa qitiutinneqassaaq.



ANGUNIAGAQ 11: Illoqarfiit inuiaqatigiillu attanneqarsinnaasut

11.4 *Nunarsuarmiut kulturikkut pinngortitamillu kingornussaannik illersuinerup allangutsaaliuinerullu ingerlanneqarnerata pitsaanerulernissaa.*

> illuaraliorneq, atortullu qaqugumut atasussat pilersinneqassapput, qanganitsat kulturitsinnut tunngassuteqartut pinngortitarlu avatangiiserisaaq ataqqilluinnarlugit.

11.a *Illoqarfiup, illoqarfiup eqqaata nunaannaallu akornanni aningaasaqarnikkut, inooqataanikkut avatangiisitigullu pitsaasumik ataqatigiinnerit nunami nunallu immikkoortuini ineriartornissamut pilersaarusiorderit pitsanngornerisigut tapersorsorneqassapput.*

> inuilaarsuarmik tikinneqarsinnaasumik paarsilluarneq, illoqarfimmut qanittumiittumik, aningaasat eqqarsaatiginnikkaluarlugit, killilimmillu atortoqarluni.



ANGUNIAGAQ 14: Immami uumasut

14.1 *2025 sioqqullugu imaani mingutsitsinerit suulluunniit pinngitsoortinneqarlutillu annertuumik ikilisinneqassapput, pingaartumik nunamik tunngaveqartumik ingerlatanit pissuteqartumik mingutsitsinerit, tassunga ilanngullugit imaani eqqakkat aamma inuussutissanit mingutsitsineq.*

> nunaannarmi pinngortitaq avataaniittoq ataqqilluinnarlugu angallattoqassaaq. Eqqakkat anartarfiillu imaat inatsit atuuttoq naapertorlugu suliarineqassapput.



ANGUNIAGAQ 15: NUNAMI UUMASSUSILLIT

15.1 *2020 nallertinnagu nunami imermi, pingaartumik orpippassuarni, masarsoqarfinni, qaqqani aammalu panertoqarfinni nunat tamalaat akornanni pisussaaffiliussat naapertorlugit uumassusileqarfinnik piujuaannartitsinissaq, pilersitseqqinnissaq piujuaannartitsinerlu tunngavigalugu atorluannissaq qularnaassallugu.*

> illuaraliorusuttut amerliartoraluartut, tikinneqarsinnaaneralu annertusiartoraluartoq, pinngortitaq assissaqanngitsoq qaqqaqarfiusoq paarilluarneqassaaq Kangerloqarfimmilu uumasut piujuartitsisumik nungusaataangitsumik atorluarneqassallutik.



Kommunimut pilersaarummut tapiliussassatut siunnersuut Pinngortitamik illersuineq pillugu inatsimmik tunngaveqarmat pilersaarut Kommunalbestyrelsimit akuersissutigineqareerpat Naalakkersuisunut akuersissutigisassanngorlugu nassiunneqassaaq. Aatsaat Naalakkersuisut akuersissuteqareerpata, pilersaarut atuutilersutut tamanut nalunaarutigineqassaaq.

Matumani Kommunimut pilersaarutissatut siunnersuutip Nunaannarmut pilersaarut 2-2, Nuup eqqaani nunataq akuersissutigineqarpat:

Nunaannarmut pilersaarut nr. 1, Qoornoq atorunnaarsinneqassaaq

Nunaannarmut pilersaarut nr. 2, Nuup Kommuniani illuaqqat

Nunaannarmut pilersaarut nr. 7, Itinnera

2019/20-mi ukiuunerani Illoqarfimmik Inerisaanermut Immikkoortortaqaarfiup atuisunik akuutitsilerneq aallartippaa, takornarialerisuusinnaasunillu ataatsimeeqateqarnerit ingerlallugit, tassuuna campinut tunngatillugu nutaanik agguataareriaatsip unammillerneqarnissaa pisariaqartitsinerullu ersarissarneqarnissaa eqqarsaatigalugit. Misilittakkat taakku suliffiullu iluani suliamik ilisimasaqarneq ataatsimut tunngavissiipput, tulliuuttumi.

Kommunimut pilersaarummut tapiliussassatut siunnersuut una sapaatip-akunnerini arfineq-pingasuni tamanut tusarniaassutigineqarpoq – juulip aallaqqaataaniit aggustip 26-ata 2020-p tungaanut. Piffissami tusarniaaffiusumi tusarniaanermut akissuteqaatit 18-it pissarsiarineqarput, taakkulu annikitsunik oqaasertaatigut allannguuteqarfigineqarput, kiisalu ima:

- Illuaqqat attartortittakkat takornarianullu illuaqqat tamarmik B-nr.-qassapput.
- **K74 Niaqornarsuup ilua** (nunataq nutaatut siunnersuut) peerneqassaaq, timmissat piaqqisarfiinut killilersuinerit pissutigalugit
- **K78 Iterlassuaq Killeq** (nunataq nutaatut siunnersuut) timmissat piaqqisarfiinut killilersuinerit pissutigalugit
- Nunap assinga immikkut suliarineqassaaq Qooqquni nunatat nalunaarsorlugit allaaseralugillu, ukiumoortumik festivalertoqartarnissaanut inissaqartitsiniarluni nunatallu Nuummiunit asiarfissaqqissuutinneqarnera attatiinnarniarlugu.
- Illuaqqat nammineq pigisat eqqaanni aqqusinniortoqassappat, aamma aqqusinniassaq tamanut tusarniaassutigineqassaaq.

Nunaannarmut pilersaarut 2-2 tusarniaasoqareernerata kingorna Sumiiffiit Aqquserngillu Taaguutaannik Siunnersuisoqatigiinni kukkunersiorinneqarpoq. Tamanna immikkoortut ilaanni arlalinni taaguutinik allannguinerimik kinguneqarpoq. Ilanngussaq 3 takuuk.

Ingerlatsivik Sumiiffiit Aqquserngillu Taaguutaannik Siunnersoqatigiit innersuussutaat isumaqatigalugit taakkununnga tunngasunik allanngortitsivoq.

Aningaasatigut suliatigullu Ingerlatsiviup naliliinera

Kommunimut pilersaarummut tapiliussamik suliaqarneq aningaasaqarnikkut kinguneqarsimangilaq.

Suliffeqarfimmut Kiffartuussivimmit aningaasatigut naliliineq

Piniarneqanngilaq.



Inatsisitigut tunngavissaq allakkallu tunngaviusumik uppersaartitalit

- Pilersarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl
- Pinngortitamik illersuineq pillugu Inatsisartut inatsisaat nr. 29, 18. december 2003-meersoq (Pinngortitamik illersuinerumut inatsit)

Ilannussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Sumiiffiit Aqquserngillu Taagutaannik Siunnersuisoqatigiit
4. KPT Nunaannarmut pilersaarut 2-2, Nuup eqqaani nunataq

Punkt 3: Lukket

Punkt .: Imaqarniliap akuerineqarnera

Beslutning

Imaqarniliaq akuerineqapoq nal.: 14:36